

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 477020 24 St  
Tuzla, 31.01.2025. godine

Općinski sud u Tuzli, stečajni sudija Vedran Milašinović, u postupku prethodnog ispitivanja prijedloga za otvaranje stečajnog postupka nad dužnikom „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, koga zastupa punomoćnik advokat Advija Hodžić iz Tuzle, dana 31.01.2025. godine donio je slijedeće,

#### RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53.

Za privremenog stečajnog upravnika imenuje Senad Uzunić iz Tuzle, ul. Izeta Sarajlića 5C.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grad Tuzla, radi upisa zabilježbe otvaranja prethodnog postupka.

#### Obrazloženje

„ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, kao dužnik, podnio je dana 06.01.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 27.01.2025. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „ARIA mob“ d.o.o. Tuzla, ul. Tomislava Ramljaka 53, sa podružnicom „ARIA mob“ d.o.o. Tuzla, PJ SERVIS Tuzla, ul. Tomislava Ramljaka 53, je dana 30.01.2025. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to: rješenje o izmjenama podataka od 18.05.2021. godine, rješenje kojim se utvrđuje prestanak subjekta upisa u registar suda od 15.10.2024. godine, potvrda Nova banka od 30.12.2024. godine, uvjerenje UIO BH od 21.11.2024. godine, bilans uspjeha za period od 01.01.-31.12.2023. godine, bilans stanja na dan 31.12.2023. godine, rješenje o izmjenama podataka od 18.05.2021. godine, rješenje o prestanku upisa društva u registar od 15.10.2024. godine, potvrda Nova banka od 30.12.2024. godine, uvjerenje PU F BiH od 16.12.2024. godine, presudu zbog propuštanja ovog suda 32 0 Mals 417552 22 Mals od 23.06.2022. godine i rješenje o izvršenju ovog suda 32 0 Mals 417552 24 Ip od 05.09.2024. godine i potvrda FIA od 21.02.2024. godine i uplate predujma od 3.000,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 27.01.2025. godine, punomoćnik društva Advija Hodžić advokat iz Tuzle je izjavila da su računi društva blokirani od 12.09.2024. godine. Društvo nema pokretne imovine kao i nepokretne, niti druge imovine niti zaliha robe. Prema radnicima nema obaveza. Društvo ima obaveza prema dobavljačima, a nema obaveza prema PU F BiH i UIO BH. U pogledu obaveza prema dobavljačima ističem da postoji pravosnažna i izvršna presuda ovog suda broj 32 0 Mals 417552 22 Mals od 23.06.2022. godine povodom kojeg je podnesen prijedlog za izvršenje a u pogledu potraživanja drugih dobavljača nema prijavljenih ili podnesenih sudskih postupaka za koje osnivač i direktor ima saznanja, račun kod banke je i blokiran po osnovu rješenja o izvršenju po prijedlogu povjerioca Vamal grupa doo Laktaši.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija  
Vedran Milašinović

**POUKA O PRAVNOM LIJEKU:** Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.